

Ս. ԵՐԿՐՈՒՄ ԽԱՂԱՂՈՒԹՅԱՆ ՎԵՐԱՀԱՍՏԱՏՄԱՆ ՄՏԱՀՈԳՈՒԹՅԱՐ

Ապրիլի 10-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը Երուսաղեմի Հայոց Պապրիարք Ամենապապիվ Տ. Թորգոմ արքեպս. Մանուկյանից խորը ցավով և անհանգստությամբ տեղեկացավ Երուսաղեմի Ս. Հակոբյանց վանքի Ժառանգավորաց վարժարանի սան՝ 22-ամյա հայաստանցի (Սյունիքի մարզ, գյուղ Քարաեռնոջ) Արմեն Սինանյանի վիրավորվելու մասին: Ուրարակիր Արմեն Սինանյանը հայ 7 հոգևորականներից էր, որոնք շարունակում են մնալ Բեթղեհեմի Ս. Ծննդյան տաճարում: Հույն և Լատին Եկեղեցիների հոգևորականների հետ մեկտեղ (ընդհանուր թվով 50 հոգի) նրանք 10 օր է, ինչ շրջափակված են սրբավայրում:

Համաձայն Երուսաղեմի Հայոց Պապրիարքի հաղորդած տեղեկության, Արմեն Սինանյանը վիրավորվել է աջ ուսից: Կրակոցի պարճամենները դեռևս հստակ չեն: Արմեն Սինանյանն անմիջապես հոսպիտալացվել է Հադասսա համալսարանի հիվանդանոց և վիրահատության ենթարկվել: Պապրիարքարանից ստացված վերջին տեղեկության համաձայն, վիրահատվածի առողջական վիճակը կայուն է: Նա գտնվում է մշտական խնամքի ներքո: Հայաստանում Վեհափառ Հայրապետն անձամբ հանդիպում կունենա նաև Սինանյանի ծնողների հետ:

Ամենայն Հայոց Հայրապետը վերջին մի քանի շաբաթների ընթացքում մշտական կապի մեջ է Երուսաղեմի Ամենապապիվ Պապրիարքի հետ և շարունակում է լուրեր ստանալ տարածաշրջանում փիրող իրավիճակի մասին:

«Ամենայն Հայոց Կաթողիկոսությունը, Մայր Աթոռ Ս. Էջմիածինը և աշխարհասփյուռ Հայ Առաքելական Եկեղեցին աղոթում են Երուսաղեմի Պապրիարքի, Ս. Հակոբյանց միաբանության, Ս. Երկրում բնակվող հայ համայնքի ապահովության համար: Մենք նաև աղոթում ենք ուրարակիր Արմեն Սինանյանի շուտափույթ ապաքինման, Բեթղեհեմում փիրող իրավիճակի խաղաղ լուծման համար և խորայն կայուն ու պաշտոնական ժողովուրդների միջև վերջնական հաշտության հաստատման համար», - հայտարարեց Նորին Սրբությունը:

Իսրայելա-Պաղեստինյան հակամարտության վերջին շրջանի աննախադեպ լարվածության, ինչպես նաև Բեթղեհեմի Սուրբ Ծննդյան սրբավեղիների ռազմական գործողությունների շրջագծում հայտնվելու առնչությամբ Հայոց Հայրապետն արդեն իսկ իր մտահոգությունն ու անհանգստությունն է հայտնել՝ ուղերձ-նամակներ հղելով Իսրայելի վարչապետ Արիել Շարոնին և Պաղեստինյան իշխանության առաջնորդ Ցասեր Արաֆաթին: Վեհափառ Հայրապետը կոչ է արել հակամարտող կողմերին «գործադրել ամեն միջոց, որպեսզի Բեթղեհեմյան սրբավեղիները զերծ մնան պղծումներից ու ավերածություններից»: